

防備紀畧

防備紀畧

溧陽周允廷著

防浦紀畧

本衙藏板

自序

乙卯夏四月余交卸郴郡篆

各憲以浦市慘被苗氛檄令回任

辦理堵禦安輯事至之日一片瓦

礫滿目荒涼商旅大半遷移市民

攜眷舟居者十之五六暨遠鄉近

村多被焚掠無所依歸率皆於江

之東西岸搭棚借寓其戶亦不下

數千流離情狀殆不可觀亟思所以招徠之撫綏之維持而保護之殊乏善策况以分防丞倅權力俱無期以無米之炊噓已灰之燼不更難乎然既奉任使惟有黽勉從事不敢告勞而已故凡稟募鄉勇派設壯丁所以重守備也詳請賑卹分散口糧所以安流寓也勸修

土堡添置柵欄所以謀保衛也他
如涉遠搜山堵截潰逸殘苗勿令
入境捐貲額賞招納大小章義勇
用遇賊衝不憚輕身冒險罔卹人
言皆以示先聲而弭後患也尚賴
輿情効順當事者不掣之肘俾得
擇利而行以故自夏徂秋偶萌蠢
動追奔逐北屢挫賊鋒雖於十一

月大隊攻擾苗勢甚張沿河一帶
蹂躪不免而土堡以內猶得撫此
子遺共保無恙此中殆有天幸亦
不可謂無預人謀焉入歲以來烽
烟頓息風鶴鮮驚商民復業者踵
相接室廬脩整者戶相望大兵底
定節次辦理善後承平有象矣計
馳驅三載凡所以勉竭駑駘枕戈

九

重勞宵旰之秋初未敢苟安遷就貽
誚於素餐且多藉

上憲之優容而斯民之不我棄也
謹擇其緊要有關於撫綏堵禦數

大端並承辦差需各務一切書稟
父告彙集成編而以序弁其首云
晉

嘉慶二年蓮月上浣惜陰主人題
於浦江官署之挹江軒



序

吾鄉古稱浦口向為懋遷雜地舟楫往來百
貨流通實滇黔之門戶辰常之障屏也自乙
卯春二月逆苗蹂躪地姓流離焚掠之餘幾
成賊窟此而不得其人以理之則沅湘之流
塞流塞而商旅不行軍需阻滯危在浦市危
正不僅在浦市東南半壁因而騷動尚欲使
已散之災黎還定而安集也難矣幸也我

公之回任浦市也當浦市初被焚擾公適
署篆郴州兼理首郡斯時也風鶴時驚人心
危懼現攝茲土者且委而去之公聞信即
繳還兩郡印請回本任兼程抵浦至之日三
街瓦碎滿市垣頽殷實之戶久已鳥獸散無
力遠徙者或攜眷登舟或搭棚棲止離居蕩
析萬戶蕭然公撫茲瘡痍不避艱險廣募
鄉勇每於賊匪出沒之區親督搜捕又慮地

近苗巢三面受敵設立土堡以資保衛窮民
流寓鴻雁哀鳴稟請賑卹以濟口食而且勸
諭鄉農團集丁壯如達嵐螞蝗白頭溪新堡
諸村落間段設卡控遏妖氛以故西南一面
賴以輯寧然而救弊補偏形神俱瘁若公
者非所謂寧為其難勿為其易者歟且公
之初旋也去市八九十里大小章一帶土蠻
被苗迫脅率皆為之鄉導當道者議棄江以

西舊址遷市於東岸而公以

朝廷內地寧可尺進不可寸退若舍此不守不

惟安土重遷未便於民而任往任來適為賊
利屢陳稟牘力言不可遷議遂寢且以大小
章民多山居習險其技勇不下於苗一時雖
被脅從皆緣寡不敵衆非其本懷誠能施恩
信以結其心樹聲勢以壯其膽自可收為我
用於是遣辯士持明諭多方招致先捐廉俸

墊給口糧使之自守其地即以堵截賊踪而
論者謂為非計一時嘖有煩言雖當道者信
公頗深幾為所搖奪公屹然不為動究能
得其死力斬俘獻馘屢挫賊鋒是公之思
深慮遠所以為浦地謀者至周且備迄今數
月來農安於野矣士誦於家矣百工衆商翕
然而鳩聚矣向非公之夷險一節不惑羣
議豈易使鳴鴉向化逆匪潛形措百十里於

左三
衽席之安哉 楠以非材濫廁賓席每於課讀

餘閒聆 公議論見 公設施薰沐 治教

者最久所以知之者亦最悉凡所為仁心善政此都人士固已咏歌而尸祝之無庸贅詞因其稟札文告彙集成編用敢僭擬數言使人之讀是編者知我 公之經濟學問固不盡乎是而已見一斑矣則謂是編為治浦之楷模也可即謂是編為防浦之紀畧也亦無

不可省

嘉慶強圉大荒落協洽月小暑前三日治下
三嵎門生吉啟楠謹序



浦 市 新 建

